

**Protocol da la sezziada dal Cussagl cumünal da lündeschdi,
11 mai 2009, a las 20.00, acta 16**

Preschaints: Jon Carl Rauch; Chasper Alexander Felix,
Jachen Andri Schmidt e Georg Salomon
Patrizia Wieser (protocol)

S-chüsada: Marianne Werro-Lehmann

Tractandas 129 - 130: Men Luppi, president cumischiun d'amegliaziun

Tractandas:

129. Surdatta lavuors d'amegliaziun – 2. etappa da la sauaziun

Davo avair tut cogniziun dal riasunt dal perit tecnic e las spiegaziuns da sar Men Luppi, president da l'amegliaziun, decida il Cussagl cumünal da surdar las seguaintas lavuors als offerents cull'offerta economicamaing la plü favuraivla. Ils criteris sun gnüts valtütats tenor la glista d'evaluaziun.

Surdatta lavuors
d'amegliaziun
2. etappa sauaziun

Proceder avert:

1. Lavuors d'impressari – Baulos 1; lingia principala cullas lingias lateralas
- maruner Tschesch – piazza da parcar Triench
Fabio Bau GmbH, Sent fr. 141'952.00
2. Lavuors d'impressari – Baulos 2; lingia principala cullas lingias lateralas
piazza parcar Triench fin plan da Saranschasch
Frans Koch, Ramosch fr. 97'913.40
3. Lavuors d'impressari – Baulos 3; lavuors da fabrica per las lavuors d'inchasch previssas
Val Spadan fin Sot Crusch, implü sauaziun previssa Chanvers
Impraisa Mario GmbH, Ramosch fr. 164'553.05
4. Lavuors sanitarias – Baulos 1; – müdamaint lingia da pressiun interna centrala Pradella
ARGE Ernest Vital, Benderer GmbH, Stecher, fr. 225'090.50
Christoffel e Mayer, Sent
5. Lavuors sanitarias – Baulos 2; - lav. sanitarias pel Baulos 1, 2 3 d'impressari
ARGE Ernest Vital, Benderer GmbH, Stecher fr. 654'972.95
Christoffel e Mayer, Sent

Proceder a man liber:

6. Lavuors d'impressari: Fouras horizontalas (suot las vias oura)
Menegola AG, Amrsiwil (fouras lungas) fr. 42'927.90
7. Lavuors da serrürier: vierchels per las chombras previssas
Jachen Bischoff, Scuol fr. 25'258.55

Tuot las surdattas seguan culla resalva cha las lavuors vegnan subvenziunadas dal chantun e da la confederaziun. Implü sto gnir fat bun il credit per las lavuors sanitarias Baulos 1 da la radunanza cumünala.

130. Reglamaint da sauaziun

Il president da l'amegliaziun, sar Men Luppi repassa punct per punct il reglamaint da sauar dal cumün da Sent. Davo avair fat ün per müdamaints, decida il Cussagl cumünal da preschantar il reglamaint da sauar a la radunanza cumünala.

Implü orientescha sar Men Luppi cha l'implant da sauar infin Tschesch saja pront. Prosma gövgia, 14 mai vegn preschantà quist plan da sauaziun als paurs. Il Cussagl cumünal decida, cul resalv cha'ls paurs van daperüna, cha'ls 18 mai 2009 possa gnir miss in funcziun quista part da l'implant.

Reglamaint da sauaziun

131. Protocol

Il Cussagl cumünal approva il protocol da la sezzüda dals 27 avrigl 2009, acta 15.

Protocol

132. Orientaziuns

Inauguraziun Funtana da Clozza e senda Clüs - Viluorna

Cusglier Chasper Alexander Felix orientescha cha'ls 30 mai 2009 ha lö l'inauguraziun da la Funtana da Clozza. I seguirà ün invid.

Orientaziuns

133. Permiss da fabrica – Gerber Andreas, isolaziun externa, sanaziun interna Chasellas 56

Sün dumonda da sar Andreas Gerber decida il Cussagl cumünal da dar il permiss per isolar las fatschadas implü far sanaziuns internas vi da la chasa nr 56 in Chasellas cun seguaintas cundiziuns:

1. Tenor la dumonda e'ls plans fats buns ed acclus al permiss.
2. Il Cumün inchascha üna taxa da trattamaint da fr. 200.--.
3. Ün eventual quint da taxas d'attach vain dat in basa a la differenza da la valur da construcziun (Neuwert) sülla stima veglia indexada, tenor las indicaziuns da l'uffizi da stima chantunal

Permiss da fabrica
Andreas Gerber
isolaziun externa e
sanaziun interna

134. Permiss da fabrica – Lenz Karl – müdamaints interns, ingr. fanestras– Tuols 524

Sün dumonda da sar Karl Lenz decida il Cussagl cumünal da dar il permiss per far müdamaints interns ed ingrondir duos fanestras illa chasa 524 in Tuols cun seguaintas cundiziuns:

1. Tenor la dumonda e'ls plans fats buns ed acclus al permiss.
4. Il Cumün inchascha üna taxa da trattamaint da fr. 100.--.

Permiss da fabrica
Lenz Karl + Yvonne,
müd. interns,
ingrondimaint fanestras

135. Permiss da fabrica – Carl Mosca - Fouras geotermicas – Prà Vidal 50A

Sün dumonda da sar Carl Mosca decida il Cussagl cumünal da dar il permiss per realisar las fouras geotermicas cun seguaintas cundiziuns:

1. Tenor la dumonda e'ls plans fats buns ed acclus al permiss.
2. Il Cumün inchascha üna taxa da trattamaint da fr. 100.--.
3. Il quint da l'ANU per la dumonda per las fouras geotermicas vain miss in quint separadamaing.

Permiss da fabrica
Carl Mosca,
fouras geotermicas

136. Permiss da fabrica – Roger de Weck – banc davant porta – Bügliet 91

Sün dumonda da sar Roger de Weck decida il Cussagl cumünal da dar il permiss per metter ün banc da sezzet davant la chasa nr. 91 in Bügliet cun seguaintas cundiziuns:

1. Tenor la dumonda e'ls plans fats buns ed acclus al permiss.
2. Il Cumün inchascha üna taxa da trattamaint da fr. 50.--.

Permiss da fabrica
Roger de Weck,
banc per sezzet

137. Permiss da fabrica – Armon Taverna, chasa B Costa dad Archas – differents müdamaints

Permiss da fabrica

Sün dumonda da sar Armon decida il Cussagl cumünal da dar il permiss per differents müdamaints vi dal proget “Chasa B” cun seguaintas cundiziuns:

1. Tenor la dumonda e’ls plans fats buns parzialmaing ed acclus al permiss da fabrica.
2. Il Cumün inchascha seguaintas taxas tenor il reglamaint da taxas e sia agiunta:
 - taxa da trattamaint: fr. 800.--
 - cuosts da terzs fr. 2’194.--

Il permiss per eriger ün’abitaziun sur l’entrada da la garascha nu vain concess.

138. Orientaziuns da fabrica

Orientaziuns da fabrica

- Taverna Armon – corret la lucarna chasa Mot.

139. Introducziun da la zona da planisaziun

Introducziun da la zona da planisaziun

Il Cussagl cumünal decida dad introdüer üna zona da planisaziun sur tuot il territori dal cumün e quai in tuot las zonas da fabrica sco eir i’l territori Zuort e Sinestra. La revisiun ha l’intent d’adattar l’uorden da basa a las ledschas e planisaziuns surordinadas, da promover la construcziun d’abitaziuns principalas, da limitar la construcziun d’abitaziuns secundaras e da verificchar l’uorden da basa i’l territori da Fora da Büz.

141. Varia

Varia

Il schef d’aua manzuna cha sü Flüs saja in sonda not gnü donagià ün idrant sco eir ruot üna vasca. Il manader tecnic sclerischa ils cuosts e piglia sü contact cul chaschunader.

Fin da la sezzüda: 23.10

Per l’actuar: